

佛說阿閦佛國經卷下

服三

後漢月支三藏支婁迦誠譯

阿閦佛般泥洹品第五

爾時賢者舍利弗心念言佛已說阿閦佛昔

服三

者行菩薩道時德號復說佛刹之善快亦復

說三

說諸弟子及諸菩薩所學成願佛當復說阿
閦佛摩訶般泥洹時有何感應天中天於是

說法時人民復行阿羅漢道不復上下便令
住阿羅漢道阿閦佛般泥洹時有菩薩摩訶
薩名衆香手當授是衆香手菩薩決號曰羞
洹那洹波頭摩如來無所著等正覺復次舍
利弗其金色蓮華佛之刹所有善快亦當如
阿閦佛刹之善快所有安諦金色蓮華佛所
有衆弟子亦當如阿閦佛復次舍利弗阿閦
佛即知舍利弗心所念便告舍利弗言阿閦
佛摩訶般泥洹是日一切三千大千世界諸
千世界聲上聞阿漸貨羅天乃至復聞阿迦
泥咤天阿閦佛般泥洹時當有是瑞應復次
郡國變化作化人而說法所可說者如前所

舍利弗阿閦佛刹諸好藥樹木皆曲向阿閦佛般泥洹所作禮阿閦佛摩訶般泥洹時諸天及人民持華香雜香擣香供養散其身上供養已其諸天人民華香雜香擣香及餘寶上至虛空四十里成圓華蓋阿閦佛摩訶般泥洹時其三千大千世界諸天龍鬼神健陀羅阿須輪迦留羅真陀羅摩休勒皆向阿閦佛摩訶般泥洹時是人民及諸天以佛威神所致悉見阿閦佛摩訶般泥洹時復次舍利弗阿閦佛摩訶般泥洹時諸天及人民晝夜

常愁憂言阿閦佛般泥洹大疾爲已亡人民娛樂不復得樂所欲意愁憂言阿閦佛般泥洹大疾亡失人民安隱意愁憂言亡天下眼佛語舍利弗若有菩薩摩訶薩於是世界若他方世界終亡生阿閦佛刹者甫當生者其人皆爲已受決從一方復至一方共等輩遊行若干百千等輩共遊行菩薩摩訶薩當見若干百千如來當見無數佛當見無數薩芸若若有菩薩摩訶薩於是世界若他方世界終亡生阿閦佛刹者甫當生者其人亦與衆

四三

等俱遊行以佛威神所致薩芸若故爲阿惟
越致菩薩摩訶薩聞是阿閦佛德號法經皆
爲離魔羅網復次舍利弗阿閦佛摩訶般泥
洹時至法行在者諸菩薩摩訶薩生阿閦佛
刹者亦當與等輩遊行求索阿閦佛昔時願
然後當生阿閦佛刹菩薩摩訶薩便當諷誦
八百門諷誦已皆當諷誦諸法便有上微妙
阿閦佛刹諸菩薩摩訶薩得念行住八百門
我當生阿閦佛刹亦當諷誦八百門諷誦已
皆當復諷誦諸法見上妙句如是諦受之菩

薩摩訶薩阿閦佛現在及般泥洹時說法等
無異佛刹等如來所示現從阿惟越致至成
無上正真道最正覺復次舍利弗阿閦佛身
中自出火還燒身已便作金色即碎若芥子
不復還復訖已便自然去譬如舍利弗有樹
名城彌羅若髮段斷已不復見自然生如是
舍利弗阿閦佛摩訶般泥洹時身破碎不復
見還自然生復次舍利弗阿閦佛摩訶般泥
洹時其身骨坐處見自然礎如有山碎破其
山不復見自然還其處如是舍利弗阿閦佛

摩訶般泥洹時其骨自破碎其身骨不復見還自然時一切三千大千世界人民皆供養其身以七寶作礪其三千大千世界當以七寶礪及葉金色蓮華而莊嚴復次舍利弗阿閦佛刹諸菩薩摩訶薩當作禮有瑞應乃如是自然諸寶於其處在前住其有菩薩摩訶薩往生阿閦佛刹者甫當生者當見佛意無亂命過時一切諸天人當供養其身諸天及人民願發起是供養其身菩薩摩訶薩自以功德稍於虛空疾行都不復知其處譬如舍

利弗持草著火中熏煙而出其煙上於虛空中亦於虛空中而行亦於虛空中都滅不知所至處其佛刹諸菩薩摩訶薩法身如是復次舍利弗阿閦佛刹菩薩摩訶薩壽命盡臨壽終時見餘菩薩摩訶薩他方世界坐佛樹下時是諸菩薩摩訶薩臨壽終時瑞應復見餘菩薩入母腹中時亦復見餘菩薩摩訶薩從母右脅出生時行七步時見在妓女中相娛樂時見餘菩薩摩訶薩出家學道時見餘菩薩坐佛樹下降伏魔得薩芸若慧時見他

方世界諸佛天中天轉法輪時佛言舍利弗
阿閦佛刹菩薩臨壽終時以是比有自然端
應復次舍利弗阿閦佛摩訶般泥洹時佛所
說法當住至若干百千劫賢者舍利弗問佛
言天中天以何等數佛所說法住至百千劫
佛告舍利弗言二十小劫爲一劫是爲數佛
所說法住至百千劫復次舍利弗其法滅盡
時一切三千大千世界當大照明其地當大
動其法不是弊魔及魔天之所滅亦不是天
中天弟子所滅諸比丘稍樂寂往還是稍寂

四三

共往還已俱行不復大聽聞法不聽聞已亦
不大承用復不得大精進法師比丘於法教
亦寂說法少以是故法稍滅盡稍稍不見爾
時賢者舍利弗問佛言云何天中天菩薩摩
訶薩用何等德行故得生阿閦佛刹佛告舍
利弗是菩薩摩訶薩當學阿閦佛昔求菩薩
道時行當發如是意願令我生阿閦佛刹菩
薩摩訶薩用是行故得生彼佛刹復次舍利
弗菩薩行布施度無極積累德本持願無上
正真道得在阿閦佛邊菩薩摩訶薩用是行

故得生彼佛刹菩薩行戒度無極持願無上
正真道得在阿閦佛邊菩薩摩訶薩用是行
故得生彼佛刹菩薩行忍辱度無極持願無
上正真道得在阿閦佛邊菩薩摩訶薩用是
行故得生彼佛刹菩薩行精進度無極持願
無上正真道得在阿閦佛邊菩薩摩訶薩用
五
是行故得生阿閦佛刹菩薩行一心度無極
持願無上正真道得在阿閦佛邊菩薩摩訶
薩用是行故得生彼佛刹菩薩行智慧度無
極持願無上正真道得在阿閦佛邊菩薩摩

訶薩用是故得生彼佛刹復次舍利弗阿閦
佛光明皆炎照三千大千世界我當願見是
已令我成無上正真道最正覺當復自炎照
其佛刹菩薩摩訶薩用是行故得生阿閦佛
刹我當見阿閦佛刹無央數不可計諸弟子
見已我亦當作如是行令我成無上正真道
最正覺時使有無央數諸弟子菩薩摩訶薩
用是行故得生阿閦佛刹阿閦佛刹有若干
百菩薩若干千菩薩若干百千菩薩我當見
是諸尊菩薩寂冥觀行我當學之當於處處

曉了知之我當與同學等無差特當與是一等類俱在一處欲具大慈大悲用佛故沙門義故無辟支佛義無有弟子之行無有弟子意無有緣一覺意諦住於空無有惡道法於諸佛名等諸如來名等薩芸若名等於諸法名等於衆僧名等常念諸名等如諸菩薩摩訶薩若有善男子善女人聞名得生阿閦佛刹何況合會諸度無極善本持願阿閦佛刹合會衆善本已便成無上正真道最正覺何況合會諸度無極衆善本便得生阿閦佛刹

菩薩摩訶薩用是行故得生阿閦佛刹復次舍利弗菩薩摩訶薩欲生阿閦佛刹者當念東方不可計諸佛天中天善法品等因緣諸佛天中天所可說法念其無有等者令我成無上正真道最正覺當復說法如是如諸佛天中天念其衆弟子因緣等我何時成無上正真道最正覺亦當有無央數不可計諸弟子衆舍利弗若有善男子善女人當念三事當曉了念是三大事若善男子善女人以念是三大事合會德本爲一切衆生作述念持

願作無上正真道用一切衆生故願三事善
男子善女人菩薩摩訶薩願無上正真道不
可限一切衆生若有人來以器欲限取虛空
來已謂言善男子持善本與我共分布之佛
言舍利弗若使善本有色者一切衆生便可
以器滿限取虛空不可竟是善本以器取如
是舍利弗願善本於無上正真道是亦不可
以器取如是謂爲善本若有念三事
苦本便轉得三寶若有菩薩摩訶薩念是三
事善本願皆見善法菩薩行三事善本願降

伏衆魔及官屬所向欲念生阿閦佛刹即得
生其佛刹南方西方北方上方下方亦如是
四維亦如是若有菩薩摩訶薩念是三事善
本積累以持作勸助勸助已持願向阿閦佛
刹其人即得生其佛刹佛告舍利弗若干百
佛刹若干千佛刹若干百千佛刹如是佛刹
之善快諸佛刹之善快空耳阿閦佛刹亦如
是我當見其佛刹之善快見是以我亦當取
如是比佛刹之善快當勸助若干百菩薩若
十千菩薩若干百千菩薩為現故令歡喜踊

躍上及阿閦世尊等菩薩摩訶薩用是行故
得生阿閦佛刹若有菩薩摩訶薩專發是意
向阿閦佛若使不行者如是爲欺專發是意
便得生阿閦佛刹譬如城中無市無有園
浴池及萬物亦無有象馬亦無有往來中者
云何舍利弗其城寧有彊王在其中止不是
城德爲最下如是爲快不彊王在大城其城
有善德萬物如是城爲最上也如是舍利弗
於是三千大千世界佛刹力之善快如我
佛刹爲下耳是不爲上好也是聞我佛刹所

有之善快如是舍利弗若菩薩欲淨其佛刹
之善快者欲取者當如是清淨取之如阿閦
佛昔行菩薩道時所取清淨佛刹之善快復
次舍利弗於是成無上正真道最正覺令人
民在須陀洹道斯陀含阿那含阿羅漢道復
教令在辟支佛道我所教授諸弟子及餘弟
子皆共合會當令在阿閦佛刹諸弟子衆邊
百倍千倍萬倍億百千倍巨億萬倍不與等
但說解脫者無有異我諸弟子及彌勒佛所
有諸弟子及復餘弟子皆復共合會當令在

阿閦佛刹諸弟子衆邊是亦百倍千倍萬倍億萬倍不與等所以者何阿閦佛一一說法時人民得道者不可復計佛言舍利弗置我諸弟子復置彌勒佛諸弟子於波陁劫中諸佛天中天所有諸弟子及餘得道弟子復共會會當令在阿閦佛刹諸弟子衆邊百倍千倍萬倍億萬倍巨億萬倍不與等但說解脫者無異人爾時賢者舍利弗白佛言如天中天所說如我所知當觀其佛刹爲阿羅漢刹不爲凡夫之刹也所以者何彼阿羅漢甚衆

多佛言如是舍利弗彼刹阿羅漢生死已盡者甚衆多三千大千世界所有星宿不可計亦不可知多少阿閦佛一一說法時得阿羅漢者不可計如是舍利弗一一聚會時不可計無央數人得阿羅漢道三千大千世界中星宿可知數阿閦佛刹是諸天人民以天眼見光明用積累德本阿閦佛刹三千大千世界是諸人民善男子善女人晝夜往至阿閦佛所若有聞是德號法經聞已即受持諷誦者舍利弗是善男子善女人前世爲皆已聞

見阿閦佛昔求菩薩道時所以者何若有聞
是德號法經即有信者是阿閦佛德號法經
十方等世界佛刹求菩薩道及求弟子道之
人悉受諷誦持說之他方佛刹諸阿惟越致
菩薩摩訶薩住及餘菩薩亦說阿閦佛所結
願及生阿閦佛利者甫當生者東方如是南
方西方北方上方下方等十方亦如是一切
諸佛刹求菩薩道人皆受是德號法經諷誦
持說之阿惟越致菩薩摩訶薩住復有成無
上正真道最正覺及餘菩薩亦如是說阿閦

第十三
九

佛所結願及生其佛刹者甫當生者如是舍
利弗阿閦佛阿比羅提世界住炎照十方等
諸求菩薩道之人若有善男子善女人諷誦
阿閦佛德號法經聞已即持諷誦願生阿閦
佛刹者臨壽終時阿閦佛即念其人所以者
何儻弊魔得其便即轉所願如來故念之其
善男子善女人不復轉會當得所願及無上
正真道若有他異因緣無能妨害者如是火
刀毒水是亦不行若復有過捶者是亦不向
亦不畏人非人其人如是等見護便生阿閦

佛利佛言譬如舍利弗日宮殿遠住遙炎照
天下人如是阿閦佛遠住炎照他方世界諸
住菩薩摩訶薩譬如得天眼比丘遠住遙見
色之光如是舍利弗阿閦佛遠住遙見他方
世界諸住菩薩摩訶薩見其顏色形類譬如
神通比丘遠住知他人意所念如是舍利弗
阿閦佛遠住遙知他方世界諸住菩薩摩訶
薩意譬如神通比丘遠住遙以天耳聞聲如
是舍利弗阿閦佛遠住遙聞他方世界諸菩
薩摩訶薩語及生其刹者是善男子善女人

阿閦佛知其名字及種姓若有受是德號法
經諷誦持者舍利弗是人爲見阿閦佛當知
是人臨壽終時阿閦佛即爲其人賢者舍利
弗白佛言難及天中天諸佛世尊諦囑累諸
菩薩摩訶薩佛言如是舍利弗諸佛天中天
諦囑累諸菩薩摩訶薩所以者何菩薩諦受
次三
囑累者便爲諦受一切衆生已譬如轉輪王
若有第一第二第三第四第五第十第十二十
不可計諸倉中有稻米大麥小麥及種種穀
穀貴時便出令穀賤如是舍利弗菩薩如來

說竟菩薩摩訶薩未成最正覺時譬如穀貴已成無上正真道最正覺便安隱說法如穀是故諸佛天中天諦囑累諸菩薩摩訶薩佛言舍利弗若有菩薩摩訶薩聞是阿閦佛德號法經聞已即受諷誦持雖不願生阿閦佛刹者當知是菩薩摩訶薩爲比阿惟越致若有菩薩摩訶薩受是阿閦佛德號法經持已受諷誦爲若干百人若干億百千那術人解說之當令若干億那術百千人積累德本是人如所積德本甚菩薩是德本不可計是

菩薩摩訶薩德本衆多已便坐無上正真道佛言舍利弗若有菩薩摩訶薩欲疾成無上正真道最正覺者當受是德號法經當持諷誦受持諷誦已爲若干百若干千若干百千人人解說之便念如所說事即得大智慧其罪即舉以得是大智慧其罪畢已其人自以功德便盡生死之道佛告舍利弗若有善男子善女人求弟子道者聞是阿閦佛德號法經便當受持當諷誦受持諷誦已爲若干百人若干千人若干百千人解之若有善男子

善女人受是法經自以功德即自取阿羅漢證佛言舍利弗若有善男子善女人專持說是德號法經是人如是便捨等正覺自以功德取阿羅漢證佛語舍利弗是阿閦佛德號法經終不至癡人手中當至黠人手中佛言舍利弗是善男子善女人是德號法經至其手中者爲見如來已譬如舍利弗種種諸寶其價甚重從大海採來者云何舍利弗從大海採種種寶當先至誰手中舍利弗言天中天當先至國王若太子左右手中佛言如是

舍利弗是阿閦德號法經當至菩薩手中及阿惟越致復次舍利弗菩薩摩訶薩聞是阿閦德號法經便受持諷誦諷誦已即當專成無上正真道最正覺賢者舍利弗白佛言是阿閦佛德號法經薄德之人終不得聞受持諷誦所以者何天中天不能得阿惟越致故佛告賢者舍利弗審如是若有善男子善女人持金銀滿是天下以布施願言我持是使人聞阿閦佛德號法經薄德之人終不得聞是經亦不得受持諷誦菩薩摩訶薩聞阿閦佛

德號法經者爲成阿惟越致行聞已受持諷誦是故專得無上正真道行佛語舍利弗二生補處三生補處等正覺求弟子道人所不能及若有聞阿閻佛德號法經受持諷誦爲若干百人若干千人若干百千人說之譬如舍利弗轉輪王以福德自然生七寶如是舍利弗阿閻佛昔願所致我爲說是德號法經若有菩薩摩訶薩說是德號法經若復有菩薩摩訶薩聞是經甫當聞者亦福德所致佛語舍利弗阿閻佛德號法經於是波陁劫中

所有諸佛天中天皆當說是經如是令無缺減安諦亦如我所說若有菩薩摩訶薩欲疾成無上正真道最正覺者當受是阿閻佛德號法經當持諷誦說之當令廣普若是德號法經在郡國縣邑有善男子善女人受持諷誦其菩薩摩訶薩有是經爲護郡國縣邑其有受是德號法經當持諷誦復出家學道離罪菩薩摩訶薩當令居家學道者知之所以者何善男子善女人儻不能究竟是德號法經佛語舍利弗若遠郡國縣邑有行是經菩

薩摩訶薩往至彼當受是經諷誦持說善男子善女人雖不諷誦但有是經卷當說供養之若不得經卷者便當寫之若使其人不與是經卷持歸寫者苦薩便就其家寫之若使善男子善女人言自餓寫當自餓寫之若言經行寫當經行寫之若言住寫當住寫之若言坐寫當坐寫之

佛說阿閦佛國經卷下
音釋

抵 音
迎 音
瞽 音
撻 撻
捶 殴
脣切
擊 擊
也 也
點 胡八切
猶 猶
慧 慧
也 也